



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Ga 113
305

WIDENER LIBRARY



HX 6932 .


KRUG - ARISTOTELE SERVITVTIS DEFENS

1813

G2 113.305



HARVARD
COLLEGE
LIBRARY



Prag, 18. 5.
DE

Gal. 13. 305

ARISTOTELE SERVITVTIS
DEFENSORE.

SYMBOLARVM AD HISTORIAM PHILOSOPHIAE

PARTICVLA PRIMA,

Q V A

CANDIDATOS MAGISTERII

AD

EXAMINA SOLEMNIA

INVITAT

W. Krug
GVILIELMVS TRAVGOTT KRUG
ORDINIS PHILOSOPHORVM

H. T.

PROCANCELLARIVS ET DECANVS.

LIPSIÆ

EX OFFICINA KLAVBARTHII

MDCCCKIIL -

412.

1857. Sept. 22.

Gift of
Rev. Theodore Parker
of Boston.

Quamvis ea hominis conditio, quam Graeci *δουλειαν*, *servitutem* Romani appellabant, principiis sanae rationis prorsus repugnet, quippe quae, naturae cuius ratione praeditae personae dignitatem tribuens, adeoque libertatem et internam et externam ipsi vindicans, pati non possit, ut homo homine tanquam re sibi propria et instrumento ad sua tantum consilia exsequenda comparato abutatur: omni tamen tempore exstiterunt non solum nomothetae, qui turpem istam hominis conditionem tolerarent ac legibus suis sancirent, sed etiam philosophi, qui eandem argumentis quibusdam vel potius argutiis defenderent et sua quasi auctoritate tuerentur. Hisce servitutis patronis adnumeratus est etiam *Aristoteles*. Cujus viri cum et antiquioribus et recentioribus temporibus summa fuerit auctoritas, alii servitutis patroni ad ipsum ita provocarunt, ac si res omnis hoc duce et propugnatore jam confecta esset, nec amplius quaerere liceret, justane an injusta talis sit hominis conditio?

A. 2

Nuper

IV

Nuper tamen exstitit Vir doctissimus et acutissimus, *) qui, cum bene intelligeret, contrariam esse servitutem sanioris philosophiae praeceptis, probare studeret, Aristotelem nequaquam inter servitutis patronos esse referendum, ut hac ratione macula tanto nomini adpersa tandem elueretur. Nos vero, quamvis Aristotelem non secus atque Vir ille celeberrimus suspiciamus, veritatis tamen magis quam auctoritatis cujuscunque studiosi, concedendum esse putamus, Aristotelem recte in servitutis defensoribus numerari.

Id ut clarius appareat, primum argumenta, quibus Meisterus Aristotelem ipsum defendere conatus est, paulo accuratius excutiamus. Disserit autem l. l. hunc in modum: „*Manche Naturisten — ita Vir consultissimus juris naturalis doctores appellare solet — tragen hier ein Missverständniß auf den schärfsinnigen Kritiker des Naturrechts, auf Aristoteles, über. So spricht Hbepfner §. 39. Not. 1. von der oft genug widerlegten Grille des Aristoteles über Natursklaven; und bedient sich dabei der ganz falschen Zitation Polit. Lib. I. Cap. 3. Denn diese Stelle sagt das gerade*

*) MEISTERVS, juris antecessor nunc Vratislaviensis, collega olim noster in literarum Universitate Francofurtana conjunctissimus, in libro: *Lehrbuch des Naturrechts* (Francof. ad Viadr. 1809. 8.) p. 160. §. 199.

gerade Gegentheil; hätte auch das Misverständniss auf ein-
 mal heben können und sollen. Sie befindet sich in den Opp.
 des Aristoteles (Lugdunî, 1590. Fol.) *Τοπ. II. pag. 179.*
 und lautet wörtlich also: Νομῶ γὰρ τὸν μὲν δεῶν, τὸν δὲ ἐλευ-
 θεῶν. Φερεῖ δὲ ἔθεν διαφέρειν· διοπερ ἔθεν δίκαιον, βίαιον γὰρ.
 Stärker kann man den Charakter der Freiheit, als Bestand-
 theils des inenschlichen Ur-Seinigen, kaum ausdrücken.“ —
 Verissime, si modo haec verba ipsius essent Aristotelis!
 Sed Vir alioquin sagacissimus in eruendis auctorum veterum
 sentiis nexum illorum verborum cum antecedentibus mi-
 nus consuluisse videtur. Aristoteles enim hoc loco non
 suam ipsius, sed aliorum philosophorum, qui servitutem
 tamquam injustam condemnarent, sententiam affert. To-
 tus nimirum locus, cujus ultimam tantum partem Meiste-
 rus attulit, ita se habet: Τοῖς μὲν γὰρ δοκεῖ ἐπιστῆμη τις εἶναι
 ἡ δεσποτεία, καὶ ἡ αὐτὴ οἰκονομία καὶ δεσποτεία, καὶ πολιτικὴ
 καὶ βασιλική, καθάπερ εἰπομεν ἀρχόμενοι· τοῖς δὲ ἵπαρα φύσιν
 το δεσποζειν. νομῶ γὰρ τὸν μὲν δεῶν εἶναι, τὸν δὲ ἐλευθεῶν· Φε-
 ρεῖ δ' ἔθεν διαφέρειν. διοπερ ἔθεν δίκαιον· βίαιον γὰρ. *) Iam ve-
 ro ex oppositione membrorum orationis, verbis τοῖς μὲν,
 τῆς δὲ incipientium, manifestum est, Aristotelem in utro-
 que

*) Usi sumus in citando editione Opp. Arist. *Du-Vallii* (Lutetiae
 Par. 1629. Fol.) in qua verba a Meistero laudata paulo aliter le-
 guntur et interpunguntur. Sensus tamen idem manet.

VI

que membro afferre sententiam aliorum philosophorum, et in altero quidem eorum, quibus dominium in servos (το δεσποζειν) contra naturam esse videretur. Horum igitur sententiam fusius exponit verbis: Νομῶ γὰρ κ. τ. λ. Contendebant nempe isti philosophi, discrimen inter homines liberos ac servos non a natura ipsa, sed a lege, civili puta, esse constitutum; natura plane nullum esse discrimen inter homines quoad libertatem externam; adeoque injustam esse servorum conditionem, quippe quae sola vi nitatur. Quid autem sibimet ipsi hac de re videatur, utrum sententiae illorum philosophorum adstipuletur, nec ne, Aristoteles hoc loco nondum indicat. Hinc ejusdem loci in eruendo Aristotelis de servitute iudicio nullus plane est usus. *)

Pergit deinde Ill. Meisterus ita: „Das aristotelische System aber im Ganzen zu fassen, muss man mit jenem Kapitel des ersten Buches der politischen Schriften, oder de republica, auch die folgenden bis zum achten Kapitel vergleichen, Tom. II. pag. 179 — 181. Das fünfte Kapitel stellt abermals den höchst wahren Grund-Gedanken an die Spitze: Πᾶσα δουλεία παρὰ

*) Patet hoc etiam ex indirecta loquendi forma, qua Aristoteles utitur. Si enim suum ipsius de servitute iudicium enuntiare voluisset, sine dubio dixisset oratione directa seu finita: Νομῶ γὰρ ὁ μὲν δούλος ἐστὶ, ὁ δὲ εὐαγγεῖος. Φύσει δ' οὐδὲν διαφέρει.

παρά φύσιν ἐστὶ.“ — Hoc loco Aristoteles sua quidem ipsius nomine loquitur, verum non assèrendo, sed quaerendo seu problematice, ut Logici dicunt. Quod ut perspiciatur, iterum totum locum apponamus: Ποτερον δ' ἐστὶ τις φύσει τοῖστος (scil. δαλός) ἢ ἡ, καὶ πατερον βελτιον καὶ δικαιον τινι δαλευειν ἢ ἡ, ἀλλὰ πᾶσα δαλεια παρά φύσιν ἐστὶ, μετὰ ταῦτα σκεπτερον. Duplex illud ποτερον manifesto indicat, Aristotelem hoc loco ipsam quaestionem de servitute, cujus notionem ac vim antea explicuerat, repetere et thematis instar proponere, de quo postea dicturus sit. Hinc verba: Πᾶσα δαλεια παρά φύσιν ἐστὶ, non sententiam Aristotelis declarant, sed partem illius quaestionis efficiunt. *) Apparet hoc e voce ἀλλὰ, quae praecedit et haec verba cum antegressis ἢ ἡ ita coniungit, ut indicetur, quid sibi velit haec negatio. Sensus igitur totius loci est hic: Utram servitus pro natura quorundam hominum praestet libertati et iusta sit, nec ne i. e. annon potius omnis servitus contra naturam sit, deinceps est quaerendum. Hinc et horum verborum nulla est vis ad Aristotelis de servitute iudicium constituendum.

Tan-

*) Primaria est hermeneutices lex, quae prohibet, quo minus verba in oratione continua cum aliis contexta separemus ab his ac per se spectemus. Qua igitur ductus ratione Vir consultissimus dicere potuerit, caput quintum exordiri a verbis: Πᾶσα δαλεια κ. τ. λ., instar principii positus, vix assequi licet.

VIII

Tandem addit Cel. Meisterus et haec: „Gegen das Ende desselben (Kapitels) aber, p. 180., macht Aristoteles eine Anmerkung, welche zu dem Misverständniss, Anlass gegeben hat: *Ὅτι μὲν τοῖνυν εἰσι φύσει τινες οἱ μὲν ἐλεύθεροι, οἱ δὲ δούλοι, φανερὸν· εἰς καὶ συμφέρει τὸ δουλεῖν, καὶ δίκαιον ἐστὶ.* Die Stelle selbst aber, unter Vergleichung mit den vorhergegangenen, bestimmt den Sinn des Aristoteles dahin, dass der Mensch sich seiner natürlichen Freiheit begeben; dass er einem Andern sich mit Bestand Rechtens unterwerfen könne; und dass die Natur selbst den Anlass dazu gebe; durch die ungleiche Vertheilung der Kräfte.“ — Verumenimvero haec interpretatio a mente Aristotelis tam aliena est, ut Vir consultissimus, defendendi philosophi studio abreptus, ipsi aliquid, de quo numquam cogitaverit, obtrasisse videatur. Non enim de eo fuerat sermo, utrum homo sua ipsius voluntate alterius arbitrio sese subicere eique servi instar obtemperare possit, sed unice de eo, utrum servitus ipsa sit a natura profecta, ita ut haec hominis conditio et utilis quibusdam et justa sit. Id autem prorsus affirmaverat Aristoteles in praecedentibus. Quod ut melius intelligatur, universam disserendi et argumentandi rationem, quam Aristoteles hoc loco (Polit. I, 3. II.) secutus est, paulo accuratius jam explicemus.

Postquam Aristoteles c. 3. observaverat, domum seu familiam perfectam constare ex hominibus liberis ac servis, esse autem, qui negent, servitutem naturae accommodatam et juri con-

consentaneam esse, c. 4. servitutis ipsius notionem ac vim
fusius exponit. Jam cum ad quamlibet artem exercendam in-
strumentis quibusdam opus sit, instrumenta autem vel inani-
ma vel animata esse queant, servum contendit esse rem, quam
dominus possideat et qua in arte oeconomica exercenda tam-
quam instrumento animato prae caeteris utatur. *) Hinc col-
ligit Aristoteles, servum non solum ea ratione domini esse,
qua dominus quoque servi dominus dicatur, sed illum om-
nino ac totum domini h. e. domino proprium esse. Qui enim
natura non suus (sui juris), sed alterius, attamen homo sit,
eum natura servum esse; alterius autem esse eum, qui ab alio
possideatur, quamvis homo sit. **) Jam vero c. 5. quaestio-
nem

*) Verba Aristotelis sunt: "Ο δούλος κτήμα τι ἐμψυχόν, καὶ ὡς πρὸς ὄργανον πρὸς
ὀργάνων πρὸς ὃ ὑπηρετεῖ. Conf. ejusdem Eth. ad Nicom. VIII, 14. ubi
simili modo dicitur: "Ο δούλος ἐμψυχόν ὄργανον, τὸ δ' ὄργανον ἀψυχὸς δούλος.

**) Aristoteles ipse: "Ο μὲν δεσπότης, inquit, τὸ δούλου δεσπότης μόνον, αἰνεῖται
δ' ὡς ἄνθρωπος. ὁ δὲ δούλος ἢ μόνον δεσποτῆς δούλος ἐστίν, ἢ ὅλος αἰνεῖται. — "Ο
ὅλος μὲν αὐτὸς φύσει, ἀλλ' ἄλλου, ἀνθρώπου δὲ, κίτος φύσει δούλος ἐστίν· ἄλλος δ' ἐστίν
ἀνθρώπος, ὃς πρὸς κτήμα ἢ, ἀνθρώπου ἐστίν. Haec ultima verba Cel. Tenne-
mannius in opere aliquo praestantissimo, *Geschichte der Philoso-
phie*, T. III. p. 310. perperam ita citat: ἀλλ' ὅς ἐστιν ἀνθρώπου ὃς ἂν
κτήμα ἢ, ἀνθρώπου οὐ (ἐστίν), atque inde colligit, Aristotelem recte in-
tellexisse, notionem hominis ac servi sibi invicem repugnare. Si
hoc Aristoteles intellexerat, longe aliter de servitute iudicare de-

nem proponit, utrum quis natura servus sit, nec ne, eamque statim ita explicat, utrum utile sit cuidam atque iustum servire, nec ne, adeoque omnis potius servitus contra naturam sit. *) Ad hanc quaestionem ita respondet philosophus eodem capi-

buisset. Verum Aristoteles istis verbis explicare voluit, quid sit *αλλος ειναι*. Hinc non *αλλ' υδ' ετα*, sed *αλλω δ' ετιν* necessario legendum est.

*) Ipsa Aristotelis verba supra (p. VII.) jam allata sunt. Notandum tamen est, Aristotelem quaestioni aliquid immiscere, quod ab ea plane alienum est. Si enim quaestio ita explicatur, *ποτιρον βελτιον και δικαιοι ετιν δελεουσιν η υ*, non solum de iustitia, sed etiam de utilitate rei agitur. (Illud *βελτιον* enim h. l. non significare id, quod secundum rationis praecepta praestat, sed quod commodis quibusdam se commendat, e voce *συμφορον* patet, quam Aristoteles paulo post adhibet. Το *βελτιον* igitur est το *συμφορον*, et *τιν* non ad *δελεειν* — servire alicui — sed ad *βελτιον* et *δικαιοι* — quod cuidam ratione utilitatis et iustitiae habita accommodatum est — referri debet). Potest autem servitus interdum ejusmodi hominibus, qui libertate uti nesciant, utilis, nec tamen juris principiis a ratione constitutis consentanea esse. Peccat igitur Aristoteles, utrumque confundendo ac permiscendo; peccat vero etiam in eo, quod non accuratius definit, de qua natura sermo sit, utrum de natura in genere, an de natura hominis, et de quam ejus natura. Potest enim servitus vel naturae in genere vel naturae hominis, quatenus est animal, accommodata esse, quamvis naturae ejusdem, quatenus ratione gaudet, maxime adversetur.

capite. Imperium (το ἀρχεῖν καὶ ἀρχεσθαι) non modo necessarium, sed etiam utile est. Differunt enim quaedam statim ab origine sua ita, ut alia imperare, alia obtemperare debeant. Haec igitur illorum imperio, ipsa natura iubente, sunt subjecta. Sic animus corpori, mas foeminae, homines bestiis praestant, adeoque etiam naturae lege imperant. Simile discrimen locum habet quoad homines omnes ac singulos inter se comparatos. Alii enim magis idonei sunt ad labores viliores et opera mercenaria, quae corporis potissimum ope perficiuntur; alii ad artes excellentiores et negotia civilia, quae animi potissimum viribus indigent. Illi igitur ab ipsa natura ad servitutem, hi ad libertatem facti et comparati sunt, ita ut et illis utile sit, neque injustum, si his servire cogantur. *)

B. 2

Quam

*) Patet exinde, verbis: ὅτι μὲν τοῖνυν εἰσι φύσει τινες οἱ μὲν ἐλεύθεροι, οἱ δὲ δούλοι, φανερόν· οἷς καὶ συμφέρει τὸ δουλεύειν, καὶ δίκαιον ἐστὶ, eam argumentationis Aristotelicae partem contineri, quam Logici conclusionem appellant, neque locum habere posse interpretationem illam horum verborum, quam Ill. Meisterus proposuit. Ipse tamen Aristoteles fatetur, fieri posse, ut is, qui serviat, libertate dignus, et vice versa, qui dominetur, ad serviendum aptior sit. Quod si verum est, omnis ipsius argumentatio corrumpitur. Tum enim discrimen inter servos ac liberos non a naturae necessitate, sed a fortunae casu pendet.

Quam Aristotēs hoc loco proposit de servitute sententiam, nec consentanea quoque sunt, quae alibi eadem de re protulit. Sic praecepta in Oeconomicis (I, 5.) quoad servos proposita humaniora quidem sunt, verum non propterea, quod servitus ipsa hominē indigna sit, sed quod dominos expediat, mitius tractare servos, medelam adhibere laborantibus, modice castigare peccantes, satis cibi (sed nihil vel parum vini) praebere operantibus, aliquid honoris habere liberalioribus, et libertatem ipsam omnibus tamquam virtutis praemium proponere. *) In Ethicis autem ad Nicomachium (VIII, 13.) contendit, uti nobis neque cum rebus inanimatis, neque cum equis vel bobus, jus et amicitia intercedat, ita utrumque etiam cum servis non posse intercedere hominibus liberis. Quod cum sentiret durius esse dictum, et cum ipsa refragaretur experientia — saepius enim apud Graecos, uti apud Romanos, dominos et servos amicitiae vinculum invicem obstrictos tenebat **) — addit

*) *Χρη δὲ καὶ τέλος (scil. δικαιοσύνης) ὄρεσθαι πᾶσι· δίκαιον γὰρ καὶ συμφέρον, τὴν εὐνοσίθετον καὶ εὐνοσίθετον ἀδελφόν.* Hoc loco justitia quidem commemoratur, sed simul etiam utilitas, quae inprimis spectatur et magis quam illa commendatur his verbis statim adjectis: *Βυλονται γὰρ ποιεῖν, ὅταν ᾖ ἀδελφὸν καὶ ὁ χεῖνός ὄρεσθαι.*

**) Sic Diog. Laert. VI, 74, narrat, Xeniadem Corinthium, cum Diogenem Cynicum a piratis captum emisset, eumque filiis suis prae-

δεί philosophus in distinguendo versatissimus: Ἡ μὲν ἐν δουλος, ἔκ ἐστι φιλία πρὸς αὐτὸν, ἢ δ' ἀνθρώπος· δοκεῖ γὰρ εἶναι τὸ δίκαιον παντὶ ἀνθρώπῳ πρὸς πάντα τὸν δυναμένον κοινῶσαι νόμῳ καὶ συνθήκῃ· καὶ φιλίας, δη, καὶ ὅσα ἀνθρώπος. Ita autem sibi ipse contradixit. Nam si jus quoddam locum habet inter omnes homines, quatenus omnes lege et pacto consociari possunt, per se patet, neminem esse posse natura servum alterius, sed ejusmodi nexum vel lege vel pacto, vel potius vi, cui lex aut pactum postea accesserit, nisi debere. Fieri autem solet, ut vel acutissimī philosophi, relicto semel veritatis tramite, sensu quodam veri interno de errore admoniti et ad retractandum coacti, turpi ἐναντιολογία implicentur et quasi inretiantur^{*)}.

Verum

praeceptorem dedisset ac toti domui praefecisset, tanti aestimasse philosophum, ut fateretur: Ἀγαθὸς δαίμων εἰς τὴν οἰκίαν μου ἐπέληλυθεν. Notissime quoque est amicitia, quae Ciceroni cum Tiro, primum servo, dein liberto suo, intercessit.

*) Sic et Kantius in jure naturae turpiter labitur, quum primum dicit: „Der Herrscher im Staat hat gegen den Unterthan lauter Rechte und keine Zwangs-Pflichten,“ deinde vero addit: „Ohne alle Willkür kann nur noch kein Mensch im Staate sein, denn er hat wenigstens die des Staatsbürgers.“ Conf. KANT'S metaphysische Anfangsgründe der Rechtslehre (Regiom. 1797. 8.) p. 174. et 193. Si enim homo in civitate non omni dignitate privatur, nec principi ita subjectus esse potest, ut huic non nisi jure in

cives

Vertumenimvero non opus est, ut vim argumentationis, qua Aristoteles servitutem tamquam utilem et iustam defendere conatus est, penitus examinemus. Tota haec argumentandi ratio istis potius temporibus ac moribus, quam nostris, est accommodata. Quae enim Aristotelis aetate apud Graecos servilia habebantur opera, ea jam apud nos homines liberi absque ignominia perficiunt, nec servis proprie sic dictis indigemus ad ea perficienda. Nobis igitur in eo tantum elaborandum est, ut, servitute externa abrogata, internam caveamus: h. e. ut animum a servili sentiendi cogitandi agendique ratione liberum praestemus. Id autem quam maxime fieri potest philosophiae et artium, quae liberales vocantur, studiis. Haec enim animum erigunt, vel in summa rerum calamitate, eumque ad quaevis ardua tentanda idoneum reddunt. Hinc maiores nostri sapientissimo consilio statuerunt, ut iis, qui studiis istis ingenium excoluissent diligentius, summos in iis honores ab Ordine Philosophorum hac in literarum Universitate constituto petere atque

cives competant; tum enim cives omnes principis servi fierent, quod fieri posse Kantius ipse recte negat. Sed hic philosophus saepius sibi repugnat, vel in ipsa logica, quae principium contradictionis tamquam legem cogitandi primariam proponit. Vid. KANT's *Logik* (Regiom. 1800. 8.) §. 60. not. 2. coll. §. 75. not. 2.

atque ita praemia diligentiae suae publica obtinere liceret. Vos igitur, Viri juvenes, qui honores illos ac praemia consequi cupitis, humanissime rogo, ut ante d. XV. mensis Ianuarii, qui est ab Ordine solemnioris petitionis dies constitutus, nomina Vestra apud me profiteamini. Quod si, uti sperare fas est, pectore bene praeparato accesseritis atque colloquiis triduo post more majorum Vobiscum instituendis Ordini profectus Vestros rite probaveritis, lubentissime petiti honores in Vos conferentur. De me autem persuasum Vobis habetote, me omnibus quibus possim modis res Vestras esse adjuturum.

P. P. in Universitate literarum Lipsiensi Dom. I. Adv.
Chr. A. MDCCCXIII.

